



**Broj: 01-10/20**  
**Vareš, 30.01. 2020. godine**

**Z A P I S N I K**  
**sa 33. sjednice Općinskog vijeća Vareš,**  
**održane 27.12. 2019. godine**

Predsjedavajući OV pozdravio je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Adis Čizmo, Dženan Džafo, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić, Nikola Šimić i Fadila Turki.

**Odsutni:** Ilhana Fatić.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 33. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, ispred Službe za privredu, finansije i trezor – gosp. Stela Andrić i gosp. Boro Anđić, predsjednici političkih partija i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 32. sjednice OV održane 28.11.2019. godine i realizaciji Zaključaka. Na 32. sjednici donesena su četiri (4) zaključka, tri (3) su realizovana, jedan (1) je u toku realizacije. Postavljeno je devet (9) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima izvijestio je Vijeće o redovnim aktivnostima organa uprave, pripremama na izradi Budžeta Općine Vareš za 2020. godinu. Informisao je prisutne o potencijalnim investitorima koji planiraju pokrenuti proizvodnju u našoj općini (turska firma Ares-Trafo) i pokrenutim aktivnostima. Vijeće će se po ovom pitanju detaljnije upoznati pod tačkom „Tekuća pitanja“.

## *(Vijećnička pitanja)*

### **Elvir Rožajac**

1. Na dionici puta Ponikva-Javornik, nakon radova PJ Šumarije Vareš, cesta je ostala neočišćena. Zašto Šumarija Vareš poslije izvođenja radova, na putu i oko puta ne očisti što su radili?
2. Odnosi se na eksploataciju šljunka i pijeska iz korita rijeke Stavnje. Ne znam ko to radi, po čijem nalogu, koja firma? Kakve koristi ima Općina Vareš? To se radi prema Hođićima, ne znam ko je odobrio.

### **Kruno Ridić**

3. Pčelari pitaju nadležne, kada će biti isplaćeni poticaji za 2018 i 2019 godinu.?
4. Postoji li mogućnost da se postave još dvije sijalice, dva stuba na parking. Parking se nalazi iznad MUP-a i u potpunom je mraku?

### **Mirnes Ajanović**

5. Grupa omladinaca, sportskih rekreativaca, igrača košarke i uličnog basketu pored zelene pijace i gore prema Osnovnoj školi kažu da su oba koša neupotrebljiva.. Apeliram načelniku i njegovom kabinetu da se riješi ovaj problem. (Dao je objašnjenje)

### **Đafo Dženan**

6. Da li je moguće izmjestiti na neku drugu lokaciju kontejnere koji se nalaze ispred spomenika Rešada Saletovića? Jer borci Odbrambeno-oslobodilačkog rata smatraju da data pozicija ne stvara lijepu sliku za sve prolaznike i posjetioce.

### **Adis Čizmo**

7. Da li je moguće da obezbijedimo 1-2 puta sedmično prevoz Dragovići-Vareš, u periodu kada je školski raspust. U pitanju su dva sela Dragovići i Mijakovići i zaseok Juse.

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 32. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 32. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“ ) usvojen Zapisnik sa 32. sjednice OV.**

Predsjedavajući OV stavio je na raspravu prijedlog dnevnog reda za 33. sjednicu OV koji je usaglašen na Kolegiju Općinskog vijeća.

Šef Odsjeka za finansije Boro Anđić predložio je da se tačka 12. Informacija o obavljenim aktivnostima po preporukama Ureda za reviziju institucija u Federaciji Bosne i Hercegovine, razmatra poslije tačke 3.

Predsjedavajući OV stavio je na izjašnjavanje prijedlog i nakon izjašnjavanja vijećnika predsjedavajući OV konstatuje da je prijedlog **jednoglasno (sa 18 glasova „ZA“) prihvaćen.**

Predsjedavajući OV stavio je na izjašnjavanje prijedlog dnevnog reda 33. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“) usvojen sljedeći**

### *Dnevni red*

1. Prijedlog proračuna/budžeta Općine Vareš za 2020. godinu.  
Izjavitelj: Općinski načelnik.
2. Prijedlog Odluke o izvršenju proračuna/budžeta Općine Vareš za 2020. godinu.  
Izjavitelj: Općinski načelnik.
3. Prijedlog Odluke o privremenom finansiranju potreba Općine Vareš za period od 1. januara/siječnja do 31. marta/ožujka 2020. godine.  
Izjavitelj: Općinski načelnik.
4. Prijedlog Odluke o utvrđivanju statusa javnog dobra u općoj upotrebi (posj. list br. 167. k. o. Vareš – javno dobro putevi) Vareš, Vareš Majdan.  
Izjavitelj: Ermin Musa.
5. Prijedlog Odluke o utvrđivanju statusa javnog dobra u općoj upotrebi ( posj. list br. 168 k. o. Vareš – javno dobro vode) Vareš, Vareš Majdan.  
Izjavitelj: Ermin Musa.
6. Prijedlog Odluke o promjeni statusa nepokretnosti u općoj upotrebi (zemljište u ul. Ćamilov potok i dio ulice Perunska) u Vareš Majdanu.  
Izjavitelj: Ermin Musa.
7. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2020. godinu.  
Izjavitelj: Ermin Musa.
8. Prijedlog Programa rada Općinskog vijeća Vareš za 2020. godinu.  
Izjavitelj: Sekretar OV.
9. Izvještaj o realizaciji Programa finansiranja komunalnih djelatnosti u 2019. godini.  
Izjavitelj: Ermin Musa.

10. Izvještaj o stanju poljoprivredne proizvodnje na području Općine Vareš za 2019. godine.  
Izjestilac: Dragan Orozović.
11. Informacija o realizaciji projekata infrastrukture na području Općine Vareš za 2019. godinu.  
Izjestilac: Ermin Musa.
12. Informacija o obavljenim aktivnostima po preporukama Ureda za reviziju institucija u Federaciji Bosne i Hercegovine.  
Izjestilac: Općinski načelnik.
13. Tekuća pitanja.

#### **Ad. 1.**

*(Prijedlog proračuna/budžeta Općine Vareš za 2020. godinu.)*

Komisija za privredu, finansije i budžet na 19. sjednici održanoj 20.12.2019. godine jednoglasno je donijela Zaključak:

- Komisija prihvata Prijedlog proračuna/budžeta Općine Vareš za 2020. godinu i upućuje ga Vijeću na razmatranje.

Općinski načelnik Zdravko Marošević dao je dodatno pojašnjenje za ovu tačku dnevnog reda i podsjetio Vijeće da su određeni realni amandmani na Nacrt budžeta uvršteni u Prijedlog budžeta.

Otvorena je rasprava u kojoj su svoje stavove, mišljenja i pitanja iznijeli vijećnici: Kruno Riđić (*predložio je da se za poljoprivredu izdvoje sredstva u onom iznosu koja su predviđena Strategijom razvoja općine Vareš*), Adis Čizmo, Elvir Rožajac, Emir Islamović, Branko Romić, Safeta Muftić, Đemo Kevrić i Mario Mirčić.

Općinski načelnik Zdravko Marošević iznio je svoje mišljenje u vezi diskusija vijećnika i izjavio da je trenutni Prijedlog budžeta urađen na realnim osnovama i da se on u toku godine može mijenjati zavisno od priliva sredstava.

Zaključena je rasprava i predsjedavajući OV stavio je na izjašnjavanje Prijedlog budžeta/proračuna Općine Vareš za 2020. godinu.

Nakon izjašnjavanja vijećnika predsjedavajući OV konstatuje da je sa **14 glasova „ZA“, 1 glasom „PROTIV“ i 3 „SUZDRŽANA“ glasa usvojen**

***Budžet/Proračun Općine Vareš za 2020. godinu.***

## Ad. 2.

*(Prijedlog Odluke o izvršenju proračuna/budžeta Općine Vareš za 2020. godinu.)*

Komisija za privredu, finansije i budžet na 19. sjednici održanoj 20.12.2019. godine jednoglasno je donijela Zaključak:

- Komisija prihvata Prijedlog Odluke o izvršenju proračuna/budžeta Općine Vareš za 2020. godinu i upućuje ga Vijeću na razmatranje. Sugerira se nadležnim na poštivanje ove Odluke po svakom utvrđenom članu.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izvršenju proračuna/budžeta Općine Vareš za 2020. godinu.

Nakon izjašnjavanja vijećnika predsjedavajući OV konstatuje da je sa **15 glasova „ZA“, 1 glasom „PROTIV“ i 2 „SUZDRŽANA“ glasa usvojena**

***Odluka o izvršenju proračuna/budžeta Općine Vareš za 2020. godinu.***

## Ad.3.

*(Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2020. godine.)*

Ispred ovlaštenog predlagača šef Odsjeka za finansije Boro Anđić predložio je da se ova tačku povuče sa dnevnog reda jer je usvojen Proračun/Budžet Općine Vareš za 2020. godinu.

Predsjedavajući OV konstatuje da je tačka 3. povučena sa dnevnog reda 33. sjednice OV.

## Ad.12.

*(Informacija o obavljenim aktivnostima po preporukama Ureda za reviziju institucija u Federaciji Bosne i Hercegovine.)*

Otvorena je rasprava u kojoj su svoje stavove, mišljenja i pitanja iznijeli vijećnici: Adis Čizmo i Krno Riđić.

Općinski načelnik Zdravko Marošević u svom obraćanju dao je pojašnjenja i odgovore na postavljena pitanja vijećnika u raspravi.

Ispred Službe za privredu, finansije i trezor Stela Andrić dala je pojašnjenje u vezi navedenih rokova u Planu za provođenje aktivnosti po preporukama Ureda za reviziju.

Predsjedavajući OV na osnovu diskusije predložio je i stavio na izjašnjavanje sljedeći

### **Zaključak:**

- **Traži se od Općinskog načelnika i nadležne Službe da pripreme i Vijeću dostave na razmatranje polugodišnju Informaciju o provedenim aktivnostima po preporukama Ureda za reviziju institucija u FBiH.**

Nakon izjašnjavanja vijećnika predsjedavajući OV konstatuje **da je jednoglasno (sa 18 glasova „ZA“ ) usvojen Zaključak i primljena k znanju**

**Informacija o obavljenim aktivnostima po preporukama  
Ureda za reviziju institucija u Federaciji Bosne i Hercegovine**

**Ad.4.**

*(Prijedlog Odluke o utvrđivanju statusa javnog dobra u općoj upotrebi  
(posj. list br. 167. k.o. Vareš-javno dobro putevi) Vareš, Vareš Majdan.)*

U raspravi su učestvovali vijećnici Branko Romić i Safeta Muftić.

Ispred ovlaštenog predlagača Ermin Musa dao je dodatno pojašnjenje za ovu tačku dnevnog reda i odgovor na postavljeno pitanje vijećnika Romić Branka.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju statusa javnog dobra u općoj upotrebi (posj. list br. 167. K.o. Vareš-javno dobro putevi) Vareš, Vareš Majdan.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutan vijećnik Igor Šimić) **usvojena**

***Odluka o utvrđivanju statusa javnog dobra u općoj upotrebi  
(posj. list br. 167. k.o. Vareš-javno dobro putevi) Vareš, Vareš Majdan.***

**Ad.5.**

*(Prijedlog Odluke o utvrđivanju statusa javnog dobra u općoj upotrebi ( posj. list.  
br. 168. k.o . Vareš-javno dobro vode) Vareš, Vareš Majdan.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o utvrđivanju statusa javnog dobra u općoj upotrebi ( posj. list. br. 168. k.o . Vareš-javno dobro vode) Vareš, Vareš Majdan.

Nakon izjašnjavanja vijećnika predsjedavajući OV konstatuje da je sa **16 „ZA“ i 1 „SUZDRŽANIM“ glasom** (odsutan vijećnik Igor Šimić) **usvojena**

***Odluka o utvrđivanju statusa javnog dobra u općoj upotrebi  
( posj. list. br. 168. k.o . Vareš-javno dobro vode) Vareš, Vareš Majdan.***

**Ad.6.**

*(Prijedlog Odluke o promjeni statusa nepokretnosti u općoj upotrebi (zemljište u  
ul. Čamilov potok i dio ulice Perunska) u Vareš Majdanu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o promjeni statusa nepokretnosti u općoj upotrebi (zemljište u ul. Čamilov potok i dio ulice Perunska) u Vareš Majdanu.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** usvojena

***Odluka o promjeni statusa nepokretnosti u općoj upotrebi (zemljište u ul. Čamilov potok i dio ulice Perunska) u Vareš Majdanu.***

#### **Ad.7.**

*(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2020. godinu.)*

Otvorena je rasprava u kojoj su svoja mišljenja, sugestije, primjedbe i pitanja iznijeli vijećnici: Kruno Ridić, Elvir Rožajac, Đemo Kevrić, Mirnes Ajanović i Mario Mirčić.

Ispred predlagača Ermin Musa pomoćnik načelnika dao je dodatno pojašnjenje i odgovorio na postavljeno pitanje vijećnika Rožajac Elvira,

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za 2020. godinu.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom** (odsutan vijećnik Igor Šimić) **usvojen**

***Zaključak o davanju saglasnosti na Program rekonstrukcije, izgradnje i obnove lokalnih cesta za 2020. godinu.***

Predsjedavajući OV dao je pauzu u trajanju od 20 minuta.  
Nastavljeno je sa radom sjednice.

#### **Ad.8.**

*(Prijedlog Programa rada Općinskog vijeća Vareš za 2020. godinu.)*

Sekretar OV Leon Pavlović dao je dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Kruno Ridić (*postavio pitanje u vezi razmatranja Informacije o stanovima*).

Zaključena je rasprava i predsjedavajući OV stavio je na izjašnjavanje Prijedlog Programa rada Općinskog vijeća Vareš za 2020. godinu.

Nakon izjašnjavanja vijećnika Predsjedavajući OV konstatuje da je **jednoglasno (sa 16 glasova „ZA“)** (odsutni vijećnici Igor Šimić i Kenan Kamenjaš) **usvojen**

***Program rada Općinskog vijeća Vareš za 2020. godinu.***

#### **Ad.9.**

*(Izveštaj o realizaciji Programa finansiranja komunalnih djelatnosti u 2019. godini.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji Programa finansiranja komunalnih djelatnosti u 2019. godini.

Nakon izjašnjavanja vijećnika predsjedavajući OV konstatuje da je **jednoglasno (sa 16 glasova „ZA“)** (odsutni vijećnici Igor Šimić i Kenan Kamenjaš) **usvojen**

***Izveštaj o realizaciji Programa finansiranja komunalnih djelatnosti u 2019. godini.***

#### **Ad.10.**

*(Izveštaj o stanju poljoprivredne proizvodnje na području općine Vareš za 2019. godinu.)*

Otvorena je rasprava u kojoj je učestvovao vijećnik Dženan Džafo i iznio svoje mišljenje o stanju poljoprivrede na području naše općine.

Zaključena je rasprava i predsjedavajući OV stavio je na izjašnjavanje Izveštaj o stanju poljoprivredne proizvodnje na području općine Vareš za 2019. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** (odsutan vijećnik Igor Šimić) **usvojen**

***Izveštaj o stanju poljoprivredne proizvodnje na području općine Vareš za 2019. godinu.***

#### **Ad.11.**

*(Informacija o realizaciji projekata infrastrukture na području općine Vareš za 2019. godinu.)*

Otvorena je rasprava u kojoj je učestvovao vijećnik Kruno Ridić.

Zaključena je rasprava i predsjedavajući OV **uz Zaključak konstatuje da je Vijeće primilo k znanju**

***Informaciju o realizaciji projekata infrastrukture na području općine Vareš za 2019. godinu***



### **Ad.13.**

*( Tekuća pitanja)*

Predsjedavajući OV upoznao je prisutne sa pristiglom poštom:

1. Zahtjev za ispravku pogrešno upisanih podataka u KO Daštansko, posjedovni list 79 na parcelama Donja ograda, brojevi: 311 i 309/2, od 16.12.2019. godine dostavljen od Josipović Milice Pržići bb, Vareš

Predsjedavajući OV izvijestio je Vijeće da je Zahtjev realizovan.

2. Dopis u vezi razmatranja mogućnosti izgradnje spomen parka sa bustom Josipa Broza Tita, od 16.12.2019. godine dostavljen od „UABNOR-a“ Vareš.

Općinski načelnik u svom obraćanju iznio je mišljenje u vezi ovog dopisa i zamolio udruženja da budu objektivna o čemu je dao pojašnjenje.

3. Dopis /prijedlog za finansiranje četiri ljekara Doma zdravlja Vareš upućenih na specijalizaciju, broj 01-24-1474/19 od 23.12.2019. godine dostavljen od JU Dom zdravlja Vareš.

Predsjedavajući OV Adis Čizmo ispred Doma zdravlja dao je dodatno pojašnjenje u vezi ovog dopisa i izvijestio prisutne da je dopis upućen i Kantonu.

Općinski načelnik u svom obraćanju iznio je svoje mišljenje u vezi finansiranja ljekara i izjavio da je spreman pomoći ukoliko se finansijska situacija Općine Vareš popravi.

4. Dopis-dostava Informacije o neučestvovanju u programima javnih investicija od 20.12.2019. godine dostavljen od Imamagić Enide.

Općinski načelnik u svom obraćanju iznio je svoje mišljenje u vezi dopisa. Podsjetio je da nadležne službe organa uprave zadužene za izradu projekata, apliciranje i njihovu realizaciju, odrađuju navedene radnje i da građani mogu i imaju pravo tražiti informaciju o projektima.

5. Pismo namjere od 10.12.2019. godine dostavljeno od turske firme „ARES TRAF0“ u vezi pokretanja proizvodnje transformatora na našoj općini (Centralna radionica).

Vijećnicima je u sklopu ovog dopisa prikazana prezentacija o firmi „ARES TRAF0“.

Predsjedavajući OV izvijestio je prisutne o posjeti delegacije ispred Općine Vareš Istanbulu i obilasku njihove proizvodnje i njihovih kooperanata.

Općinski načelnik u svom obraćanju detaljnije je upoznao prisutne o namjerama firme i njihovim planovima pokretanja poslovanja na našoj općini.

6. Predsjedavajući OV izvijestio je Vijeće o održanom sastanku sa predstavnicima autoprevoznika „Babić Biss tours“ u vezi autobuske linije Vareš-Zenica-Vareš, a na osnovu zaključaka Vijeća. *(autobuska linija ponovo će biti sa polaskom iz Vareša u 06:30 sati i povratkom iz Zenice u 14: 50 sati)*

U raspravi su učestvovali Općinski načelnik, predsjedavajući OV i vijećnik Mirnes Ajanović. Na osnovu rasprave u vezi problema navedene linije, Vijeće će u skladu sa svojim mogućnostima i dalje raditi na iznalaženju rješavanja ovoga problema.

7. Općinski načelnik informisao je Vijeće o eventualnoj izgradnji groblja i lokaciji u Vareš Majdanu. O istom je iznio svoje mišljenje i zatražio od Vijeća da razmotre ovaj problem.

Predsjedavajući OV u svoje lično ime i u ime Općinskog vijeća Vareš uputio je čestitke svim vjernicima katoličke vjeroispovijedi za blagdan Božić, vjernicima pravoslavne vjeroispovijedi za nastupajući blagdan Božić i svim građanima čestitao je Novu godinu.

Općinski načelnik čestitao je vjernicima katoličke i pravoslavne vjeroispovijedi blagdan Božić i svim građanima naše općine Novu godinu.

Sastavni dio ovog Zapisnika je audio zapis sjednice.

Sjednica je završena u 18,50 sati.

***SEKRETAR***

**Leon Pavlović**

***ZAPISNIČAR***

**Azra Pijadžer**

***PREDSJEDAVAJUĆI  
OPĆINSKOG VIJEĆA***

**Adis Čizmo**